

Era istòria de Ca Manxol

Nòm:

Grop:

Un projècte entre frairs que da vida ath pòble e met en valor eth mon rurai.

Era casa de colònies Ca Manxol ei frut dera voluntat de tres frairs d'auer un futur laborau en sòn pòble, Rasquera, un petit municipi de 900 abitants dera Ribera de l'Ebre, entà poder-i víuer un còp finalizats es respectius estudis en Tarragona.

Era decision de mèter en marcha aguest tipe de projècte non siguec fortuït, mès qu'a un sens, pr'amor qu'es frairs des de ben petits auien estat restacadi ath mon deth léser: campaments, excursions, monitors, etc. Ath delà, vederen en aguesta gessuda professionau era possibilitat de profiter eth versant educatiu der entorn a on s'auien criat.

Era implicacion des pairs siguec fundamentau, tant emocionament coma economicaments, tà qu'es hilhs hessen realitat aqueth sòn: transportar era riquesa deth mon rurai as mainatges e joeni tà víuer ua experiència indesbrenbbla. Era ajuda incondicionau des pairs les converfís ena vertadera amna deth projècte.

Es hilhs creèren era empresa Germans Farnós Pallarès S.L. e er estiu de 2002 inicièren eth projècte familiar Ca Manxol. Aguest ei eth nòm damb qué se coneish era casa deth sòn pair en pòble.

Era casa de colònies, plaçada ath pè dera sèrra de Cardó e ath costat deth riu Ebre, ei dubèrta a escolès, associacions o grups de familhs tà que poguen gaudir dera vida rurai, descorbir eth mon des pagesi, ramadèrs e artesans e conéisher er auiatge istoric e naturau des Terres de l'Ebre.

Ca Manxol compde damb installacions naues e amples e aufrís ua codina casalèra e tradicionau damb productes de cuelheta pròpia. Cada detalh ei suenhat tà que toti se tròben coma en casa en sens dera comoditat er ambient familhau e acuelhent.

Joan, un des frairs, utilize ua comparason entà explicar com ei era organizacion complèxa de Ca Manxol. Com un banquet, era casa a tres pautes fôrça ben definides: era gestion administrativa, era codina e era equipa de monitors. Cada apartat a es sues foncions e gestione es sòns trabalhs, per exemple: era administracion tramite era resèrva e anòte totes es dades e caracteristiques des grups d'òstes e dempús comunique era informacion ara rèsta des "pautes"; a partir d'ací, era codina hè prevision e es monitors programen es activitats, entre d'utes responsabilitats.

En resum, darrèr de Ca Manxol i a ua equipa umana que trabalhe abans, pendent e dempús dera estada des òstes tà que tot foncione coma cau e era gent sigue satisfèta.

Mès es frairs Farnós non sonque desiren qu'era estada ena casa sigue agradiua, se non que tanben vòlen transmèter as gojats e gojates que vien tà Ca Manxol es valors deth mon rurai. Per açò les agrade qu'aprenen eth plaser deth contacte e eth respècte damb era natura e era generositat deth frut que s'i trabalhe, eth besonh dera reutilizacion e era sostenibilitat e era consciència der usatge adaptat des recorsi, era riquesa culturau des tradicions, etc.

Ja an passat quauqui ans deth foncionament dera casa de colònies e es tres frairs an arthenhut er objectiu que les





botgèc a emprèner eth projècte: víuer en pòble. Actuauments son enfocadi a naues mètes que les permeten assolidar eth creishement dera empresa. Per un costat, daurir-se ath camp toristic a partir d'un grop de lotjaments e, per un aute, trabalhen en camp dera educacion mieiambientau.

Ara ben, er objectiu principau a long tèrme ei era continuïtat de Ca Manxol. Joan e es sòns frairs tracten d'inculcar as sòns hilhs es madeishes valors damb es quaus creisheren, atau com er esfòrç, eth sacrifici e eth compromís per entorn.

Aguest ei eth camin tà mantier viui es pòbles petiti e contagiar as futures generacions era estima peth mon rurau.

Se vòs auer mès informacion sus Ca Manxol, consulta era plana web: <http://www.camanxol.com/>

VOCABULARI

Fortuït: que s'esdeven per azar o per accident, sense causa coneishuda.

Manxol: manc.

SINONIMS

Lotjament: installacion.

1 AUEM CURIOSITAT

1. As anat de colònies? Tà on? Qué ei çò que mès t'agradèc? Perqué recomanaries as tòns companhs/es que jamès non i an anat que viuen aguesta experiéncia?

.....

2. Penses qu'era educacion en valors ei importanta? Perqué? Escriu un listat de valors (entre 6 e 8) que considères essenciaus.

.....

3. Escriu es avantatges de víuer e trabalhar en pòble e ena ciutat, e tanben es desavantatges se cres que n'í a. Hè aguest exercici damb un grop de companhs/es de classa.

.....